



## Skýrsla um samráð

### Efni samráðs

Drög að reglugerð um öryggi net- og upplýsingakerfa mikilvægra innviða.

### Samráðstímabil:

[Mál nr. 111/2020](#) – upprunaleg drög að reglugerð er gilda átti um alla mikilvæga innviði – samráð hófst 29.5.2020 og lauk 23.6.2020.

### Fjöldi umsagna:

Átta umsagnir bárust um mál nr. 111/2020.

### Umsagnaraðilar:

Eimskip Ísland ehf., Isavia ohf., Orka heimilanna, Orkusalan ehf., Rarik ohf., Samorka, Samtök atvinnulífsins/Samtök iðnaðarins og Síminn.

### Samantekt um umsagnir og viðbrögð:

Reglugerðin á stoð í og tekur mið af gildissviði [laga nr. 78/2019](#), um öryggi net- og upplýsingakerfa mikilvægra innviða. Veigamesta breytingin á upprunalegum reglugerðardrögum laut að gildissviðinu. Ákveðið var að í stað einnar reglugerðar yrðu þær tvær (systureglugerðir); um hvora tegund mikilvægra innviða í skilningi laganna: Rekstraraðila nauðsynlegrar þjónustu annars vegar og veitendur stafrænnar þjónustu hins vegar. Sjá einnig [mál nr. 197/2020](#) í Samráðsgátt stjórnvalda.

Við undirbúning reglugerðarinnar var horft til alþjóðlega viðurkenndra viðmiða um bestu framkvæmd að því er áhættustýringu og viðbúnað varðar. Markmið laga nr. 78/2019 er að stuðla að því að koma í veg fyrir rof á nauðsynlegri þjónustu í íslensku samfélagi, sem í æ ríkari mæli reiðir sig á net- og upplýsingakerfi. Net- og upplýsingaöryggi er mjög í deiglu alþjóðlega og bentu umsagnaraðilar m.a. á að lagaskil þyrftu að vera skýr. Lög nr. 78/2019 kveða á um samræmdar lágmarkskröfur til rekstrarumgjarðar net- og upplýsingakerfa mikilvægra innviða, ef við á ganga sérlæg framár.

Við undirbúning laga nr. 78/2019 var horft til samevrópskrar lagaumgjarðar (NIS-tilskipunar ESB 2016/1148), sem gerir ráð fyrir að *nauðsynleg þjónusta* sé skilgreind á ólíkum sviðum. Reglugerðin var undirbúin í samráði við eftirlitsstjórnvöld samkvæmt lögum nr. 78/2019 um öryggi net- og upplýsingakerfa mikilvægra innviða (Póst- og fjarskiptastofnun, embætti landlæknis, Orkustofnun, Samgöngustofu, Seðlabanka Íslands og Umhverfisstofnun) og við

endanlega útfærslu viðmiðanna sem liggja munu til grundvallar útnefningu nauðsynlegrar þjónustu á hverju sviði höfð hliðsjón af athugasemdum umsagnaraðila.

Fallist var á breytingartillögur á orðalagi 11. gr., þ. á m. að vísa til gildandi staðla fremur en nýjustu, en þó ekki athugasemd um orðalag skuli endurspegla skyldu til að taka tillit til fenginna vottana. Eftirlitsstjórnvöld geta og munu eflaust m.a. horfa til viðurkenndra vottana sem rekstraraðilar nauðsynlegrar þjónustu afla í starfsemi sinni – en ekki var fallist á að kveða á um að vottun ytri aðila teldist bindandi. Eftirlitsstjórnvöldum er falið eftirlit með framkvæmd laganna, hverju á sínu sviði, og ber því að lágmarki að ganga úr skugga um að vottun nái til þeirra kerfa og starfsemi/þjónustu sem fellur undir gildissvið laga nr. 78/2019. Með lögunum og reglugerð er kveðið á um lágmarkskröfur til áhættustýringar og ráðstafana í rekstrarumgjörð net- og upplýsingakerfa mikilvægra innviða, sem hlutaðeigandi eftirlitsstjórnvald á lokaorð um á stjórnarsýslustigi, hvort teljist uppfylltar eða ekki.

Óbreytt eru viðmið um lágmarkstíðni endurskoðunar á aðferðarfræði áhættumats í 1. mgr. 13. gr. (að lágmarki á 2ja ára fresti), en fallist á að umorða 4. málsl. á þá vegu að ávallt skuli leggja mat á hvort atvik/áhætta gefi tilefni til slíkrar endurskoðunar. Ekki var fallist á að 3. mgr. ákvæðisins (sértækt áhættumat) skorti lagastoð, með vísan til 2. mgr. og 5. mgr. 12. gr. laga nr. 78/2019. Smávægilegar breytingar voru gerðar á 15., 18., 25. og 28. gr., í samræmi við tillögur umsagnaraðila. Bætt var við nýjum 5. málsl. b-liðar 19. gr. (ráðstafanir gegn innbrotum og skemmdarverkum). Ekki var fallist á að um tvítekningu væri að ræða í 1. og 2. mgr. 24. gr. (skrasetning atvika í atvikaskrá og skylda til úrvinnslu/greiningar). Að því er tímaviðmið 5. mgr. 25. gr. varðar vísast til þess að netöryggissveit Póst- og fjarskiptastofnunar er ætlað að styðja við skilvirka meðhöndlun atvika/áhættu, m.a. í því skyni að koma í veg fyrir og lágmarka útbreiðslu netóгна og mögulegt tjón. Lög nr. 78/2019 (1. mgr. 8. gr.). kveða á um að mikilvægir innviðir skuli tilkynna netöryggissveit um alvarleg atvik eða áhættu sem ógnar öryggi net- og upplýsingakerfa þeirra svo fljótt sem verða má. Þá er nú í 1. mgr. 26. gr. vísað til almennra þjónustuviðmiða.

#### **Skjal að loknu samráði:**

Reglugerð nr. 866/2020, um öryggi net- og upplýsingakerfa rekstraraðila nauðsynlegrar þjónustu. Sjá <https://www.stjornartidindi.is/Advert.aspx?RecordID=a7dc78f6-a3bc-491e-8d79-4ced9140f5ef>